

Perqué le joué di popón tsandzon couleur aprì tchica de ten ?

Son de sellule de l'iris - le mélanosite - que désidon la couleur di joué. Seutte sellule fabreuccon eun pimàn ros que l'è la mélanina (lo mimo pimàn que baille la couleur a la pi, i pèi di cor é a sisse de la tita). Can y è bièn de mélanina, l'iris l'è rossa ou piatro nèye. Sensa le mélanosite, l'iris l'è pésa : l'è pa d'atro que la couleur di sellule pi clée.

Eun ten preun de mélanosite baille la couleur dzana que, miclléye avouì lo bleu, baille totte le variétó di ver canque i ros.

Can nèison, le popón l'an caze todzor le joué pése é eun pou po savèi queunta sarè la leur couleur aprì, perqué l'iris l'a panco de mélanosite. Tchica per cou, le mélanosite prodouèison le pimàn é l'iris tsandze couleur.

Se lo popón l'a le joué teup, pou se fiye que vardèye seutta couleur pe totta sa via, mi se le joué son cller l'è caze cheur que vegnerèn pi teup le premì mèis, eun crèisèn. De riilla, la couleur tsandze pamì tan aprì chouì mèis ou l'an de via mimo se catche petchoù tsandzemèn pouon lèi itre euncó deun le dou premi-z-àn.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

Tiré de : www.cybersciences.com, écrit par Philippe Chartier
Texte publié en 2008 dans « Le-z-Amaveulle » - Bibliothèque d'Aymavilles
Collaborateur d'Aymavilles pour la traduction : **Liliana Bertolo**
La transcription a été soignée par le Guichet Linguistique
Mise à jour de la graphie : octobre 2013